

Lefel 1 / Lefel 2 TAAU

Teithio a Thwristiaeth

I'w addysgu o fis Medi 2027

Canllaw Cyflym



Noder bod yr holl wybodaeth yn ein Canllawiau Cyflym yn amodol ar gymeradwyaeth Cymwysterau Cymru.

Yn Arbennig i Gymru.
Yn barod i'r byd.

Grymuso dysgwyr, cefnogi athrawon

Fel corff dyfarnu mwyaf Cymru, mae gennym fwy na 75 mlynedd o brofiad yn cyflwyno cymwysterau o safon y gellir ymddiried ynddynt ac yn cefnogi dysgwyr, addysgwyr, a chyflogwyr ledled Cymru.

Darparwn amrywiaeth eang o gymwysterau dwyieithog sy'n hygyrch, yn ennyn diddordeb, ac wedi'u bwriadu i fodloni anghenion dysgwyr heddiw.

I ategu ein cymwysterau mae gennym dimau pynciol arbenigol, adnoddau o safon uchel, a chefnogaeth arbenigol, ymatebol. Y cydweithio agos ag ysgolion, colegau, consortia rhanbarthol, arbenigwyr sector a Chymwysterau Cymru sy'n llywio ac yn llunio ein gwaith.

Ni yw'r unig gorff dyfarnu sy'n cynnig cymwysterau ym mhob cyfres o'r hyn sydd ar gael fel Cymwysterau Cenedlaethol 14-16. Rydym yn falch iawn felly o fod â rôl allweddol yn cefnogi dyhead Llywodraeth Cymru i wneud addysg yng Nghymru yn rhywbeth y gall y genedl fod yn falch ohono. Mae'n ymrwymiad gennym i helpu pob dysgwr i gyflawni ei botensial ac i symud ymlaen yn hyderus.



TAAU: Deniadol, ymarferol, ac wedi'u hadeiladu ar gyfer cynnydd

Mae ein cymwysterau Lefel 1/2 Tystysgrif Alwedigaethol Addysg Uwchradd (TAAU) wedi'u llunio i ysbrydoli a chefnogi dysgwyr 14-16 oed, gan gynnig rhaglen dros ddwy flynedd sy'n hygyrch, deniadol, ac wedi'i gwreiddio mewn dysgu yn y byd go iawn. Gyda phwyslais cryf ar weithgareddau a phrofiad ymarferol, mae'r cymwysterau hyn yn helpu dysgwyr i feithrin hyder, datblygu sgiliau hanfodol, a chyflawni llwyddiant ystyrlon.

Mae cymwysterau TAAU yn cynnwys unedau, gan ganiatáu i ddysgwyr gwblhau rhai asesiadau ym Mlwyddyn 10 ac eraill ym Mlwyddyn 11. Gyda'r hyblygrwydd hwn, mae'n bosibl gwneud cynnydd cyson, mae llai o bwysau asesu, ac mae'r dysgwyr yn cael y cyfle i ddangos yr hyn maen nhw'n ei gyflawni drwy gydol y cwrs.

Ar gyfer ein cymwysterau TAAU, mae asesiadau allanol, sydd fel arfer yn werth 40% o'r cymhwyster cyffredinol, wedi'u llunio er mwyn asesu gwybodaeth ar lefel sylfaenol a gellir eu cwblhau tua dechrau'r cwrs, gan roi mwy o amser i ddysgwyr ganolbwyntio ar ddatblygu sgiliau lefel uwch. Mae'r strwythur hwn yn ychwanegu trylwyredd a hygyrdd i'r cymhwyster tra'n helpu i leihau llwyth gwaith athrawon.

Oherwydd eu natur gydadferol, mae ein cymwysterau TAAU yn cydnabod y cryfderau sydd gan ddysgwyr ar draws y gwahanol unedau. Gall cyflawniad uchel mewn un maes wrthbwysio perfformiad is mewn maes arall, gan hyrwyddo profiad asesu mwy cynhwysol a chefnogol.

Gyda chynnwys sy'n berthnasol, yn ysgogol ac wedi'i deilwra i anghenion dysgwyr, mae cymwysterau TAAU CBAC yn darparu sylfaen gadarn ar gyfer symud ymlaen i astudio ymhellach ar Lefelau 1 i 3. P'un a yw dysgwyr yn parhau i astudio'r pwnc ai peidio, byddan nhw'n ennill gwybodaeth, dealltwriaeth a sgiliau gwerthfawr, gan deimlo eu bod wedi cyflawni mewn ffordd sy'n eu paratoi ar gyfer bywyd, dysgu a gwaith.

Gweler ein hamrywiaeth lawn o gymwysterau TAAU

www.cbac.co.uk/ton3

Ynglŷn â'r TAAU mewn Teithio a Thwristiaeth

Mae'r diwydiant Twristiaeth yn hanfodol i economi a hunaniaeth ddiwylliannol Cymru, gan gysylltu pobl â chyrchfannau lleol a byd-eang.

Mae'r cymhwyster hwn yn rhoi cyflwyniad i ddysgwyr i gwmpas y sector, rolau swyddi, a llwybrau gyrfa, ochr yn ochr ag ystyriaethau allweddol fel deddfwriaeth, cynllunio a chynaliadwyedd.

Drwy weithgareddau ymarferol, bydd dysgwyr yn ymchwilio i gyrchfannau, yn cynllunio teithiau, ac yn creu deunyddiau marchnata, gan feithrin hyder a sgiliau trosglwyddadwy wrth iddyn nhw baratoi i astudio ymhellach neu i ddilyn prentisiaethau neu yrfaedd yn y diwydiant dynamig ac amrywiol hwn.

Ar gyfer pwy mae'r cymhwyster hwn?

Mae ein cymhwyster Lefel 1/2 TAAU Teithio a Thwristiaeth wedi'i lunio i fod yn gyfochrog â chymwysterau TGAU, gan gynnig profiad galwedigaethol ymarferol sy'n ehangu dysgu i ddysgwyr 14 i 16 oed mewn ysgolion.

Mae'n darparu sylfaen gadarn o wybodaeth am y diwydiant wrth ddatblygu sgiliau hanfodol, baratoi dysgwyr i astudio ymhellach neu i ddilyn prentisiaethau neu yrfaedd yn y sector. Mae'n ddelfrydol ar gyfer myfyrwyr sy'n chwilio am brofiad byd go iawn ochr yn ochr ag astudiaeth academiaidd, mae'n agor llwybrau i ddiwydiant dynamig sy'n tyfu.

Beth mae'r cymhwyster yn ei gynnwys?

Uned	Ffocws
1. Cyflwyniad i'r Diwydiant Teithio a Thwristiaeth (24 ODA)	Yn yr uned hon, bydd dysgwyr yn archwilio: • y gwahanol sectorau yn y diwydiant teithio a thwristiaeth • y gwahanol rolau swyddi, cyfrifoldebau a dilyniant gyrfa yn y diwydiant • nodweddion allweddol yr economi ymwelwyr yng Nghymru.
2. Cyrchfannau Twristiaeth (24 ODA)	Yn yr uned hon, bydd dysgwyr yn dysgu am y canlynol: • cyrchfannau twristiaeth lleol, cenedlaethol a rhyngwladol a'u nodweddion • cymhelliant twristiaid i deithio • effeithiau teithio a thwristiaeth a ffyrdd y mae modd rheoli'r rhain • sut i ymchwilio i a chyflwyno gwybodaeth sy'n ymwneud â thwristiaeth.

Uned	Ffocws
3. Teithio a Thwristiaeth ar Waith (72 ODA)	Yn yr uned hon, bydd dysgwyr yn datblygu ac yn cymhwyso'r sgiliau i wneud y canlynol: • cynnig taith, ymchwilio iddi a'i chynllunio • datblygu deunyddiau marchnata a chyfathrebu taith • adolygu eu gwaith cynllunio a'u cyfathrebu gan ddefnyddio adborth • gwerthuso eu perfformiad personol.

Crynodeb o'r Asesu

Uned	Math
1	Prawf Sector wedi'i farcio gan CBAC 1 awr - 50 marc - 20% o'r Cymhwyster Mae dwy adran i'r prawf sy'n werth 25 marc yr un. Mae Adran A yn cynnwys amrywiaeth o fathau o gwestiynau gwrthrychol, fel cwestiynau amlddewis, ymateb lluosog, llenwi'r bylchau, llusgo a gollwng, a chwestiynau man poeth. Mae Adran B yn cynnwys amrywiaeth o gwestiynau sy'n gofyn am atebion byr. Gall canolfannau ddewis cofrestru ymgeiswyr am fersiwn ar-sgrin neu ar bapur.

Uned	Math
2	Asesiad di-arholiad wedi'i farcio gan CBAC 6 awr, ynghyd â 2 awr o waith ymchwil 50 marc - 20% o'r Cymhwyster Bydd dysgwyr yn cwblhau tasgau i lunio ffeil ffeithiau manwl ar gyrchfan o'u dewis. Bydd briff yn cael ei ryddhau bob blwyddyn yn nodi gwlad a bydd dysgwyr yn gallu dewis cyrchfan o fewn y wlad honno.
3	Asesiad di-arholiad wedi'i farcio gan y Ganolfan 15 awr - 90 marc - 60% o'r Cymhwyster Bydd dysgwyr yn cwblhau tasgau sy'n dangos eu gallu i ymchwilio, cynllunio a datblygu, marchnata a chyfathrebu ac adolygu taith yng Nghymru. Byddan nhw'n dewis grŵp targed ac yn cynllunio'r daith yn seiliedig ar anghenion y grŵp hwn. Mae'r asesiad yn seiliedig ar friff sefydlog, sy'n rhoi hyblygrwydd i ganolfannau wrth iddyn nhw ei gyflwyno a'i amserlennu.

“Mae ein cymwysterau TAAU yn dod â dysgu yn fyw. Trwy gynnig profiadau ymarferol, bywyd go iawn ac asesiadau hyblyg a chynhwysol, maent yn grymuso pobl ifanc i feithrin hyder, datblygu sgiliau a llwyddo – gan osod sylfaen cadarn ar gyfer datblygu, dysgu yn y dyfodol a bywyd gwaith.

Mae ein tîm ymroddgar yma i'ch arwain ar y broses, yn ogystal â'n hadnoddau wedi'u teilwra a'n cyfleoedd dysgu proffesiynol, a fydd yn eich ysgogi i gyflwyno'r cymwysterau newydd a chyffrous yma.”

Sarah Harris

Cyfarwyddwr Cynorthwyol
(Cymwysterau Galwedigaethol)



Oes angen mwy o gefnogaeth arnoch chi?

Mae ein Cynrychiolydd Rhanbarthol **Sophie Dobbs** ar gael i'ch cefnogi fel canolfan i gyflwyno'r cymwysterau newydd cyffrous hyn:

Rwy'n gweithio'n agos gydag ysgolion a cholegau ledled Cymru, yn eu helpu i ddeall y cymwysterau Ton 3 newydd sydd i ddod fel rhan o ddiwygio Cymwysterau Cenedlaethol 14-16 ym mis Medi 2027.

Rwyf yma i gefnogi canolfannau ar bob cam o'r daith -o'r sgysiau cynnar a chynllunio, hyd at gyflwyno'r cymwysterau.

Cyn dechrau yn CBAC, treuliais 17 mlynedd mewn addysg uwchradd. Mae cael y profiad hwnnw, a dealltwriaeth glir o'r heriau ymarferol y mae uwch arweinwyr yn eu hwynebu o ran staffio, amserlennu, adnoddau a chyllidebau, yn golygu fy mod mewn sefyllfa dda i gefnogi canolfannau yn strategol ac yn ymarferol drwy drawsnewidiad Ton 3

Cysylltwch â Sophie:

ton3@cbac.co.uk



Mae'r don olaf o Gymwysterau Cenedlaethol 14-16 ar gyfer Gymru ar y ffordd, a bydd y cymwysterau'n barod i'w haddysgu am y tro cyntaf o fis Medi 2027.

Rydyn ni'n adeiladu ar bopeth a ddysgwyd wrth gyd-greu ein cymwysterau TGAU Gwneud-i-Gymru, gan gydweithio â dros 100 o ganolfannau a 60+ o gyflogwyr, i ddatblygu amrywiaeth gynhwysol, eang a chytbwys o gymwysterau sy'n galluogi ffyrdd gwahanol o ddysgu a datblygu sgiliau.

Dewch i ddarganfod amrywiaeth o gymwysterau newydd cynhwysol gyda CBAC, bwrdd arholi mwyaf sefydledig Cymru:

- **Project Personol**
- **Y Gyfres Sgiliau (Sgiliau Bywyd a Sgiliau Gwaith)**
- **Sylfaen (Cyffredinol ac yn Gysylltiedig â Gwaith)**
- **TAAU (Tystysgrif Alwedigaethol Addysg Uwchradd)**

Dysgu mwy: www.cbac.co.uk/ton3



Yn Arbennig i Gymru.
Yn barod i'r byd.